

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Ministarstvo industrije, energetike I rudarstva**

**Broj: 03/1-  
Tuzla, 15.12.2005 godine**

**PROGRAM RADA MINISTARSTVA INDUSTRIJE, ENERGETIKE I  
RUDARSTVA ZA PERIOD 01.01. - 31.12.2006. godine**

*Ministarstvo industrije, energetike i rudarstva svoje poslove obavlja u skladu sa Ustavom Federacije, Ustavom Tuzlanskog kantona, članom 11. Zakona o ministarstvima i drugim organima uprave Tuzlanskog kantona, kao i u skladu sa slijedećim federalnim i kantonalnim propisima:*

- *Zakonom o koncesijama TK*
- *Zakonom o termoenergetskoj inspekciji TK*
- *Zakonom o elektorenergetskoj inspekciji TK*
- *Zakonom o kantonalnoj upravi*
- *Zakonom o upravnom postupku*
- *Zakonom o državnoj službi*
- *Zakonom o namještenicima*
- *Zakonom o Vladi TK*
- *Zakonom o privrednim društvima*
- *Poslovníkom Skupštine Kantona i drugim propisima (uredbe, pravilnici)*

**1. U okviru normmativno-pravnog dijela,** *Ministarstvo već duži period planira donošenje zakona iz oblasti rudarstva i geologije. Planiranu aktivnost Ministarstvo nije do sada realiziralo iz razloga što zakoni iz ove oblasti još uvijek nisu doneseni na Federalnom nivou, zbog čega i Ministarstvo predlaže uslovno donošenje kantonalnih zakona. Dakle, ukoliko budu doneseni na Federalnom nivou i ako istim bude predviđena obaveza donošenja kantonalnog zakona, Ministarstvo će uputiti na razmatranje i usvajanje sledeći tekst zakona:*

- *Zakon o rudarstvu i*
- *Zakon o geološkim istraživanjima*

**2. U okviru informativno-analitičke djelatnosti** *Ministarstvo će sačiniti i dostaviti na razmatranje i usvajanje slijedeće akte:*

- *Informaciju o stanju u industriji, energetici i rudarstvu sa ostvarenim rezultatima poslovanja u periodu I-XII 2005. godine;*
- *Izveštaj o radu ministarstva za period I-XII 2005. godine*
- *Informaciju o radu nadzornih odbora u privrednim društvima u kojima prava i obaveze vlasnika po osnovu državnog kapitala vrši Vlada Kantona za period I-XII 2005 godine;*
- *Informaciju o stanju u industriji, energetici i rudarstvu sa ostvarenim rezultatima poslovanja u periodu I-VI 2006. godine;*
- *Izveštaj o radu Ministarstva u periodu I-VI 2006. godine.*
- *Prijedlog odluka iz nadležnosti Vlade, kojima se regulišu pitanja iz oblasti resornog ministarstva.*

### **3. U oblasti industrije Ministarstvo planira slijedeće aktivnosti:**

- *angažovanje na stvaranju uslova za samoodrživu i profitabilnu proizvodnju u Fabrici sode Lukavac,*
- *podizanje proizvodnje koksa na projektovani nivo uz izradu elaborata o revitalizaciji IV koksne baterije i stvoriti uslove za kontinuiranu proizvodnju hemijskih proizvoda u fabrikama GIKIL-a,*
- *angažovanje oko privatizacije i na iznalaženju strateškog partnera za ulaganja u Fabriku sode Lukavac*
- *Stvaranje uslova za privatizaciju društva "KHK" i udjela državnog vlasništva u zajedničkom društvu GIKIL-u*
- *Praćenje vođenje stečaja u društvu « Polihem u stečaju» Tuzla, zbog načina na koji se želi okončati stečaj ovog društva.*
- *stvaranje uslova za realizaciju novih programa koji se očekuju u privrednim subjektima*
- *stvaranje uslova za veći interes strateških partnera za ulaganja u privredna društva ovog Kantona*
- *stvaranje uslova za stabilizaciju stanja i povećanje proizvodnje u tekstilnoj i obučarskoj industriji kao radno intenzivnoj grani*
- *stvaranje uslova za povećanje korištenja kapaciteta u metaloprerađivačkoj i elektro industriji i uvođenje novih proizvodnih programa.*
- *Stvaranje uslova za otvaranje malih i srednjih preduzeća na bazi domaćeg i inostranog ulaganja,*
- *raditi na stvaranju uslova za povoljniju starosno-kvalifikacionu strukturu zaposlenih kroz penzionisanje radnika koji su stekli uslove za penziju.*
- *Insistirati na okončanju sudskih sporova oko raskidanja ugovora o privatizaciji Livnice čelika Tuzla i TTU Tuzla uz stvaranje uslova za prestrukturiranje i raspisivanje tendera za privatizaciju istih.*
- *Zajedno sa Agencijom za privatizaciju, praćenje ispunjenja ugovorenih obaveza kupaca privrednih društava u procesu privatizacije;*
- *u okviru nadležnosti ministarstva a u saradnji sa inspekcijским organima Federacije BiH, raditi na sprovođenju i primjeni zakonske regulative, te raditi na uvođenju i primjeni ISO, CE i drugih standarda;*
- *sprovođenje i primjena Zakona o stranim ulaganjima;*
- *praćenje rada N/U odbora u društvima u kojima Vlada imenuje jednog ili više članaova ovih organa.*

#### **4. U oblasti rudarstva i energetike** Ministarstvo planira slijedeće aktivnosti:

- Stvoranje uslove za postizanje pune pogonske spremnosti Rudnika "Vijenac" kako bi zadovoljio sve potebe FCL , FSL i GIKIL-a.
- u prvom kvartalu, uz izradu još nedostajuće tehničke dokumentacije, planira se postepeni prestanak eksploatacije slane vode na sonim bunarima,
- u dijelu većeg korištenja prirodnih resursa, planira se otvaranje još jedne istražno-eksploatacione bušotine na rudniku "Tetima
- raditi na iznalaženju strateškog investitora u "Rudnicima nemetala Kladanj"
- pripremanje i potpisivanje koncesionih ugovora

**Elektroenergetska inspekcija** će u narednom periodu posebnu pažnju posveti obilascima i pregledima elektroenergetskih objekata u vlasništvu trećih lica. Takođe će se nastaviti sa praksom održavanja kontakata sa opštinskim službama za urbanističko građevinske poslove o aktivnostima i planovima rada kantonalne elektroenergetske inspekcije te obavezama općinskih organa prema Zakonu o elektroenergetskoj inspekciji.

I u narednom periodu značajan dio aktivnosti elektroenergetske inspekcije obuhvataće postupanje po primljenim zahtjevima, najčešće vezanim za ugrožavanje elektroenergetskih postrojenja, kao i postupanje po zahtjevima ombudsmana. Na bazi dosadašnjih iskustava da se zaključiti da je ova oblast u velikoj mjeri neuređena zbog nepostrojanja odgovarajućeg inspekcijuskog nadzora u većini opština TK u prethodnom periodu, tako da se pred elektroenergetsku inspekciju postavlja puno zadataka, kako u pogledu preventivnog djelovanja tako i u pogledu podnošenja odgovarajućih prijava.

**Inspekcijiski nadzor nad termoenergetskim postrojenjima** ostvarivat će se kod svih korisnika termoenergetskih postrojenja kao i kod proizvođača termoenergetske opreme, po pozivu ili na inicijativu inspekcije.

Aktivnosti će se odnositi na slijedeće:

- redovno praćenje kontinuiranog rada i ispravnosti termoenergetskih postrojenja, uređaja i posuda pod pritiskom,
- inspekcijiski nadzor u postupku planiranja, projektovanja, izgradnje, rekonstrukcije i održavanja termoenergetskih postrojenja, uređaja i posuda pod pritiskom radi ocjene njihove tehničke ispravnosti, pogonske sigurnosti i tehničke ekonomičnosti,
- kod korisnika sa termoenergetskim postrojenjima, uređajima i posudama pod pritiskom izvršiti redovne i vanredne preglede i ispitivanja kojima ističu rokovi određeni važećim tehničkim propisima i pravilima,
- inoviranje evidencije, promjena i usklađivanje tehničke i opšte dokumentacije postrojenja, uređaja i posuda pod pritiskom, kao i rad na izradi i dostavljanju Izvještaja i propisnih dokumenata,
- uspostavljanje saradnje sa Zavodom za standardizaciju, mjeriteljstvo i intelektualno vlasništvo BiH o upoznavanju sa izmjenama, dopunama tehničkih propisa, smjernica EU-e u području termoenergetske opreme,
- uspostavljanje efikasnije saradnje sa općinskim organima uprave u području izdavanja saglasnosti za izgradnju termoenergetskih postrojenja,

- saradnja sa ostalim inspekcijskim organima na nivou TK tako i sa Federalnom termoenergetskom inspekcijom u svim oblastima i radnjama.

Općenito, Ministarstvo će se angažovati na poboljšanju uslova privređivanja u privrednim društvima resorne oblasti, što podrazumijeva stalno praćenje stanja, ažuriranje baze podataka, izradu analiza, izvještaja, informacija, elaborata, programa i inicijativa za prevazilaženje nagomilanih problema.

Planira se redovno održavanje radnih sastanaka sa menadžmentom i upravljačkim strukturama privrednih društava uz redovne posjete i obilaske, a u cilju boljeg sagledavanja stanja i pomoći kod konsolidacije i izrade razvojnih programa, posebno onih koji omogućavaju dodatno zapošljavanje i podstiču izvoz.

Sa granskim povjereništva sindikata održavaće se kontakti u cilju prevazilaženja socijalnih problema.

Na osnovu potpisanog protokola intenzivirat će se saradnja sa Kantonalnom Privrednom komorom, i međunarodnim organizacijama koje djeluju na području TK. U tom cilju, ministarstvo će sa Kantonalnom privrednom komorom i sa stručnim udruženjima organizovati stručna predavanja na temu praktične primjene uvođenja PDV-a

Poseban značaj će se dati primjeni Zakona o privatizaciji i s tim u vezi koordiniranje i praćenje aktivnosti vezanih za preregistraciju preduzeća u kojima je proces privatizacije završen direktno ili putem upravnih odbora.

Ministarstvo će sarađivati sa kantonalnom i federalnom Agencijom za privatizaciju u cilju što brže i kvalitetnije privatizacije preostalih privrednih društava sa područja Tuzlanskog Kantona.

Ministarstvo će obavljati i druge aktivnosti koje budu nametnute razvojem stanja i događaja u privredi TK.

Navedene poslove obavljaju službenici i namještenici Ministarstva čija su radna mjesta sistematizovana prema važećem Pravilniku o unutrašnjoj organizaciji ili to: ministar, 13 službenika i 5 namještenika.

**MINISTAR**

**Prof.dr. Mustafa Burgić**